

湖南通志



湖南通志



湖南通志名宦目錄

明六

何騰蛟	李乾德	黃宗昌	林鳴球	劉熙祚
章 曠	石維嶽	邱志克	郭士亮	周鳳岐
黃公輔	陳 瑛	曾 樓	嚴起恆	陳象明
孟良善	高斗樞	李 嵩	王永祚	王志堅
高世泰	樊良樞	石公蕨	華宛綸	堵允錫
鄧承谷	楊應震	晏日曙	李吳滋	熊茂松
陶 琪	李振珽	林龍采	蕭惟珽	徐光大
劉 佐	朱國柱	周二南	翟之奇	范景伊
何三傑	石萬有	蔡道憲	萬元吉	李夢日
陶宗孔	戴吉人	李完珍	莫可及	張 恂
殷尚聲	王世定	史記言	吳廷翔	趙王成
余自怡	楊枝起	楊 開	趙廷璧	馮祖望
朱三才	吳元中	杜同益	沈 國	沈之煌
邱存忠	趙 璧	甯繩武	施丙先	羅 宇
周廷瑚	吳仁傑	黨 哲	周洪德	張鵬翼
董其英	何仕家	董我前	李日新	李國楨
任永欽	丁承祜	李廷梁	陳道受	門第新
黃 訥	張軌端	蔣拱宸	謝翰臣	韓仰泰

湖南通志 卷一百一 名宦十一 目錄

湖南通志 卷一百一 名宦十一 目錄 二

譚文祚	陳懋官	魯可藻	莫乾亨	安汝盤
蔣元敬	林不忌	戴文選	王元居	黨應秋
楊邦翰	徐宏祖	梁宏任	王祚久	楊本厚
閻廷諱	馬士達	母崇正	杜夢龍	吳士義
賴萬耀	蕭思倫	王之道	蔣道亨	魏象舉
賴大雅	祝應舉	彭允中	張 標	王 祓
李大覺	方士宏	周志躍	吳繼嗣	楊如雲
鄧祖禹	吳懋章			

魏通
附

湖南通志一百二

名宦志十一

明六

何騰蛟黎平衛人崇禎十六年巡撫湖廣時湖北地盡失止存武昌屯左良玉大軍軍橫甚騰蛟與良玉交歡得相安明年五月福王立八月加騰蛟兵部右侍郎兼撫湖南討以故官總督湖廣四川雲南貴州廣西軍務明年良玉舉兵反邀騰蛟偕行不可則盡殺城中人以劫之騰蛟將自刎為良玉部將擁去舟次漢陽門乘間躍入江水漂十餘里漁舟救之起則漢前將軍關侯廟也覓漁舟忽不見遠近謂騰蛟得神佑益歸心焉乃從

湖南通志卷一百二

名宦十一

何騰蛟

寧州轉瀏陽抵長沙集諸屬吏堵允錫傳上瑞嚴起恆章曠周大啟吳晉錫等痛哭盟誓分士馬舟艦糗糧各任其一令允錫攝湖北巡撫上瑞攝湖南巡撫曠為總督監軍大啟提督學政起恆故衡永道即督一郡軍食晉錫以長沙推官攝郴州道事即追曠副將黃朝宣張先璧劉承允兵朝宣自燕窩先璧自徽浦承允自武岡先後至兵勢稍振

大清順治二年五月

大兵下南都唐王聿鍵自立於福州王素知騰蛟賢委任益至李自成斃於九宮山其將劉體仁郝搖旂等以眾無主議歸騰蛟率四五萬人驟入湘陰距長沙百餘里城中人懼甚朝宣即

湖南通志卷一百二

名宦十一

何騰蛟

岳州諸軍觀望不進獨李赤心自湖北至為

大兵所敗而還諸鎮兵遂罷會

大兵破汀州聿鍵被執死騰蛟大慟已聞永明王立乃稍自安

王尋以騰蛟為武英殿大學士四年

大兵至長沙騰蛟不能守單騎走衡州長沙湘陰並失盧鼎時

守衡州而先璧兵突至大掠鼎不能抗走永州先璧遂挾騰蛟

走祁陽又聞道走辰州脫走白牙市八月王走柳州將返桂

林騰蛟率軍入助五年聞桂林有變騰蛟督兵分三四拒守會

金聲桓李成棟叛

大清以兵附騰蛟

大兵在湖南者姑退騰蛟遂取全州所失地多復議進兵長沙

會督師堵允錫惡馬進忠招忠貞營李赤心軍自夔州至令進

忠議常德與之進忠大怒盡驅居民出城焚廬舍走武岡寶慶

守將王進才亦棄城走他守將皆潰赤心等所至皆空城旋棄

走東趨長沙騰蛟時駐衡州大駭六年正月檄進忠由益陽出

長沙期諸將畢會而親詣忠貞營邀赤心入衡部下卒六千人

懼忠貞營掩襲不護行止攜吏卒三十人往將至聞其軍已東

即尾之至湘潭湘潭空城也赤心不守而去騰蛟乃入居之

大兵知騰蛟入空城遣將徐勇引軍入勇騰蛟舊部將也率其

卒羅拜勸降騰蛟大叱勇遂擁之去絕食七日乃殺之永明王

湖南通志卷一百二 名臣十一

聞之哀悼賜祭者九贈中湘王諡文烈明史本傳

李乾德南充人崇禎十六年巡撫偏沅時獻賊陷寶衡諸郡檄

諸道恢復十七年春至寶慶誅偽官爲死節知府李振廷通判

何之傑教諭王紱建三忠祠並立殉節郡人劉孔暉祠躬祭之

黃宗昌即墨人崇禎初以御史巡按湖廣岷王禮洪爲校尉彭

侍聖及善化王長子企鉅等所弑參政龔承薦等不以實聞獄

不決者久之宗昌至羣奸始伏辜羽健傳

林鳴球漳浦人崇禎中巡按湖廣時寶慶知府陶琪修郡學鳴

球按部至出金助之移牒提學道增復郡屬科舉額郡人德之

明史馮雲路傳

劉熙祚武進人崇禎中爲興寧知縣奸民啖斷腸草脅人財物

熙祚令贖罪者必以草以是致死者勿問草以漸少弊亦止課

最授御史十五年冬巡按湖南李自成陷荆襄諸郡張獻忠又

破斬黃臨江欲渡熙祚以明年二月抵岳州檄諸將分防江洋

會賊馬守應據澧州窺常德土寇甘名揚助之熙祚馳至常德

擊斬明揚五月還長沙及岳州陷急令總兵尹先民副將何一

德督萬人守羅塘河扼要害而巡撫王聚奎乃徵守長沙賊遂

長驅至聚奎走湘潭長沙不能守惠王避地至長沙與吉王謀

出奔熙祚奉以奔衡州衡州桂王封地也聚奎兵至大焚劫王

湖南通志卷一百二 名臣十一

及吉惠二王皆登舟避亂熙祚單騎赴永州爲城守計未幾聚

奎復走祁陽衡州遂陷承士民聞之空城逃二王至永州聚奎

繼至率潰將孔全彬等劫庫金去熙祚乃遣部將護二王走廣

西而已返永州拒守賊騎追執之獻忠踞桂王宮叱令跪不屈

賊草毆之自殿城曳至端禮門盾盡裂使降將尹先民說之終

不變見殺事聞贈太常少卿諡忠毅明史本傳

章贛華亭人崇禎中授沔陽知州總督袁繼威署爲監紀從諸

將復漢陽武昌明年復德安檄贛往守居三月代者李藻至藻

失將士心城復陷言官劾贛失城罪用何騰蛟薦令戴罪立功

福王立南京騰蛟至長沙以贛爲監軍李自成死其下劉體仁

等名擁數萬兵至騰蛟與曠計盡撫其眾左良玉死其將馬進忠王允成無所歸突至岳州偏沅巡撫傳上瑞大懼曠曰此無主之兵可撫也入其營握手指白水為誓進忠等皆從之時

大兵逼湖南諸將皆畏曠獨悉力禦唐王擢為右僉都御史曠有智畧行軍不避鋒鏑身扼湘陰平江之衝湖南恃以無恐

嘗戰岳州以後軍不繼而還已又大戰大荆驛承明王加兵部右侍郎長沙守將王進才與覃遇春圍大掠而去騰蛟奔衡州

曠亦走寶慶長沙遂失騰蛟駐祁陽曠來會騰蛟以兵事屬曠而謁王武岡曠移駐永州見諸大將擁兵聞警輒走抑鬱而卒

明史本傳案明史何騰蛟傳崇禎十六年巡撫湖廣明年福王命撫湖南總督湖廣四川雲南貴州廣西軍務明年至長沙

湖南通志卷一百二

名臣十一

五

8988

令堵允錫攝湖北巡撫傳上瑞撫湖南巡撫曠曠為總督監軍周大猷提督學政嚴起衡故衡永道督二郡軍食吳晉錫以長沙推官攝榔桂道據此則騰蛟總督五省而曠固湖廣總督監軍允官列入湖南名宦者也明代職官止於莊烈帝曠與上瑞大政晉錫所授湖南名宦者皆在此

福王時故未列入職官而附著於此

石維嶽灤州人崇禎元年任分巡下湖南道清介甚為僚屬憚

服岷王禪洪為校尉彭侍聖及善化王長子企鉅等所弑帝命

司禮太監李其懋駙馬都尉侯拱宸會巡按御史黃家易鞠訊

獄成侍聖等伏誅而坐維嶽以曲庇罪被謫人咸冤之

邱志克諸城人崇禎中擢大參分巡湖南公出憂國每集守令

助之曰承平久矣有志者當思報國諸君優游飾文治竊為不取也尋遷布政使

郭士亮四川人崇禎十七年以右參政分守寶慶值賊蹂躪之後士亮撫循刑獄極意休養深慰人望

周鳳岐永康人崇禎末官湖廣右參政分守澧州賊來犯援軍敗沒城遂陷賊帥親解其縛說以降怒罵而死

黃公輔新會人崇禎中以參政分守寶慶勤勤於地方疾苦五年饑勸富民平價出糶並為粥食餓者民賴全活

陳瓊漳浦人崇禎中以右參議分守湖南討平八排賊十六年張獻忠陷長沙圍參政周鳳岐於澧州培督兵往救兵敗被執

欲降之不屈斷手割肝而死

曾櫻峽江人崇禎十年為湖廣按察副使分守湖南時衡永多

湖南通志卷一百二

名臣十一

六

8988

寇已幾十餘州縣而永州知府推官咸不任職櫻薦坐事罷官蘇州同知晏日曙歸德推官萬元吉才並起用櫻乃調福建副總兵鄭芝龍勸賊賊多降一方遂安

嚴起恆山陰人崇禎中為湖廣衛承兵備副使張獻忠陷湖南

吏民悉連竄起恆獨堅守永州賊亦不至

陳象明東莞人崇禎中官湖南道副使唐王時總督何騰蛟令

徵餉廣西會承明王立廣東地盡失象明徵調土兵與陳邦傳

連營東至梧州榕樹潭遇

大兵戰敗死之

孟良蕃崇禎末任上荆南道時寇盜充斥備極戰守之勞遇

大兵至賊將殺之以投誠澧州志

高斗樞鄧人崇禎中長沙兵備副使臨藍湖湘間土賊蠭起長

沙止老弱衛卒五百又遣二百戍攸縣城庫雉堞盡圯斗樞至

建飛樓四十大修守具臨藍賊艘二百餘由衡湘抵城下相距

十餘日乃卻去巡撫陳睿謨征臨藍寇斗樞當南面大小十餘

戰賊盡平詔資銀幣福王時還湖廣巡撫明史本傳

李嵩東鹿人崇禎中任上湖南道僉事臨藍劇盜劉新宇等聚

眾千餘剽掠湘潭瀏陽等縣嵩與副使高斗樞剿平之志

王永祚崑山人崇禎中上江防兵備僉事修築隄垸湖不為患

屬吏有以荔支餽者啟其篋得白金卽擲還仍注下考尋督學

湖南通志卷一百二名宦十一

全楚甄拔號稱得人志

王志堅崑山人崇禎四年以僉事督湖廣學政禮部推為學政

第一明史本傳

高世泰無錫人崇禎中督學湖廣究心經史崇尚理學凡先賢

宜崇祀者舉之博徵名儒讀書濂溪書院以名節相砥礪所著

有三楚文獻錄湖廣通志

樊良樞江西人崇禎中分守湖北道駐辰州重建王守仁辭道

祠每朔望集諸生講道勸學士皆嚮風志

石公蔭漳州人崇禎中知長沙府勵已率屬加意學校甄拔多

得士志

華宛綸無錫人崇禎間以歲貢知醴陵縣督師何騰蛟開府長

沙蘭賊餘黨來降騰蛟謀統軍東下括義餉乃擢宛綸知長沙

府宛綸悉心謀畫議州縣米折色率十分徵二既紓民困而兵

食亦給軍威乃振後

大兵歷長沙騰蛟欲嬰城固守宛綸以城中乏食請止重精銳

而開城出婦女老幼一時歡聲震野騰蛟復令宛綸徵餉他郡

去不數日長沙失守騰蛟走保衡永百姓遇宛綸於道擁馬慟

哭護衛備至宛綸乃披髮入山不知所往長沙縣志

堵允錫無錫人崇禎中知長沙府山賊掠安化寧鄉官軍數敗

允錫督鄉兵破滅之又殺醴陵賊魁遂以知兵名十七年六月

湖南通志卷一百二名宦十一

福王命為湖廣參政總督何騰蛟命攝湖北巡撫事唐王立賓

授巡撫李自成死眾擁其兄子錦為主奉自成妻高氏及高氏

第一功驟至澧州眾三十萬言乞降遠近大震允錫躬入其營

開誠撫慰皆踴躍拜謝乃即軍中宴之導以忠孝大義數千言

明日高氏出拜謂錦曰堵公天人也汝不可負別部田見秀等

亦來歸唐王大喜加允錫兵部右侍郎永明王立進向書尋加

東閣大學士封光化伯及湖南諸地盡失允錫開關達梧州謁

王於肇慶李元允黨丁時魁金堡論其喪師失地乃令總統軍

馬駐梧州允錫至潯州自恨發病卒王賜允錫潯國公諡文忠

鄧承齊廣西人崇禎中長沙同知監紀湖北有聲督師過長沙授知府值喪亂之餘廉平鎮靜調適兵民招集降卒數萬還副使

楊應震華陰人崇禎中知衡州府勸民親睦訟庭蕭寂尋乞歸養母去之日敝笥贏馬居然寒士郡人號泣追送擁馬首不得

前有父老奉盂水以進應震慨然酌水飲之郡人刻石志其事

晏日曙新喻人歷仕以卓異聞崇禎中以副使曾櫻薦即其家授永州知府湖南臨藍劇寇望風屏跡

李吳滋太倉人崇禎中知寶慶府有貨郎倚勢為民害吳滋廉

湖南通志卷一百二 九

得其狀悉籍其產還貧弱受害者數十家豪民驚服

熊茂松高安人崇禎中知寶慶府黜貪墨吏興學勸農勵精圖治士民祀之稱清正太守祠

陶琪姚安人明末知寶慶府時流寇告警琪固鄉勇剿之以忤

覬王罷歸中途為寇所害

李振班鄭人崇禎中知寶慶府張獻忠破城被執至衡陽不屈

赴湘水死

林龍采同安人崇禎中知澧浦縣值獻賊攻掠龍采躬率民兵

死守設方畧復安化新安二縣以功擢寶慶知府在任多所建

樹尋致政卒於郡

聶惟挺南昌人崇禎中知澧州寬嚴相濟動中方畧凡民貧不能娶士貧不能應試者皆資之沒於官州人為立碑記其政

徐光大昆明人崇禎中知桂陽州裁火耗寬贖餒餒寇煽亂親

往撫慰旋獲平恩

劉佐唱峨人分守寶慶明末殉節死

朱國柱安寧人崇禎十六年同知常德府流賊由長沙來寇國

柱力不能禦正冠帶而死

周二南蒙化人崇禎中為長沙通判盡職業與推官蔡道憲深

相得擢岳州知府士民固節乃以新秩還長沙攝攸縣事李自

成斃於九宮山其將劉體仁郝搖旂等議歸總督何騰蛟驛入

湖南通志卷一百二 十

湘陰時二南擢長沙知府請往偵之以千人護行賊謂其迎戰

也射殺之從行者盡死

薛之奇延長人崇禎中衡州府通判革漕白二糧陋規攝常寧

郴州宣章事剔弊釐奸民有到處青天之謠

范景伊錢塘人崇禎中衡州府通判時臨藍寇熾景伊籌畫進

勦功畧居多賊平卒於官

何三傑定州人崇禎中寶慶府通判張獻忠陷城衣帶閒書舍

生取義四字與李振挺同赴水死

石萬有蘇州貢生崇禎中辰州府通判十六年張獻忠陷全楚

當事假萬兵篆萬有偕知縣唐楚晝夜巡緝防堵賊竟不至

明年擢雲南知府去郡人祀之虎谿刻像於石長縣志

禁道憲許江人崇禎中為長沙推官地多盜察豪民通盜者弛其罪而任之盜方劫富家分財收者已至召富家還所失物皆得不知所自惡少年閉戶謀為盜敗戶捕卒已坐其門警逸去古王府宗人恣為奸道憲先治而後啟王王召貴之抗聲曰今四海鼎沸盜日滋王不愛民一日挺而走險能獨與此凶保富貴乎王悟謝道之十六年五月張獻忠陷武昌長沙大震承天巡撫王陽基率所部千人自岳州奔長沙道憲請還駐岳州日岳州長沙皆商也并力守岳則長沙可保而衡永亦無虞揚

湖南通志卷一百二

名臣十一

名臣十一

某日岳非我屬也道憲口東北官南猶不失為楚地若南北俱棄則屬地安在揚某語塞乃赴岳州湖廣巡撫王聚全亦自岳徙長沙道憲曰賊去岳遠可緝城以守彼犯岳猶憚長沙援若棄岳長沙安能獨全聚全不從賊果以八月陷岳州直犯長沙先是巡按御史劉熙祚令道憲募兵得壯丁五千訓練之皆可川至是親將之與總兵官尹先民等扼羅塘河聚全聞賊遁大懼徹兵還城道憲曰去長沙六十里有險可柵以守毋使賊踰此又平從時城中文武無幾賊薄城士民盡聚全詭出戰遂率所部遁道憲獨拒守賊遠城呼曰軍中久知蔡推官名速降毋自苦道憲令守卒射之斃越三日先民出戰敗還賊奪門入

先民降道憲破城賊陷以官餉商人罵釋其縛縛之丁坐馬如故賊曰汝不降將盡殺百姓道憲痛哭曰願速殺我毋害我民賊知終不可奪陳之其心血直噴賊面健卒凌國俊等九人隨不去賊亦令說道憲降國俊曰吾主畏死去矣不至今日賊曰爾上不降爾輩亦不得活國俊曰我輩畏死亦去矣不至今日賊前殺之四卒奮然曰願奉主屍而死賊許之乃解衣裹道憲屍序之南郊禮陵坡遂自刎道憲死時年二十九贈太僕少卿

諡忠烈明史本傳

萬元吉南昌人崇禎中永州府推官有宗藩諸孫招納亡命元吉實其家人於理

湖南通志卷一百二

名臣十二

名臣十二

李夢日東莞人崇禎中寶慶府推官湘鄉賊犯境部勒鄉勇直前勦禦賊遁去已而部副將尹先民討牛之賊其脅從者陶宗孔全州人崇禎中任岳州府推官凡九年猶介廉正始終如一日郡人德之祀之四賢祠稱為五賢通志戴吉人武進人崇禎中岳州府推官布衣蔬食清苦如諸生甲申後闕餘黨蹂躪古人團練義勇躬荷戟以禦賊亂離中猶賴其保障通志李完珍山東人崇禎中長沙府經歷署益陽縣事獻賊寇長沙完珍以公務赴府至龍圖橋遇賊死之縣志莫可及宜興人崇禎中長沙府照磨攝寧鄉縣事張獻忠陷寧

鄉殉城死二子若鼎若鉅號奮赴遇害明史張

張恂東莞人崇禎中桂陽州同知嘗攝府事一日斃奸黨十餘

人士民稱快臨桂寇發恂領兵殲之因奏設縣不縣於衡新田

縣於永遂以恂總攝兩縣事恂悉心規畫凡城垣縣署宮以

次修舉在官四載自勞俱興統

殷尚聲揚州人崇禎末桂陽州吏目寬厚愛民流賊郝搖旗屠

城尚聲遇害志

王世定安福人爲寶慶府教授明末死節統

史記言當塗人崇禎中知長沙縣秉公執法嘖笑不苟陞知陝

州流賊破城以身殉難縣志

湖南通志卷一百二名臣十一

吳逢翔晉江人崇禎中知長沙縣政平訟理高獎積後進其所

甄拔多知名於時通志

趙玉成吳江人崇禎中知長沙縣潔已愛民未半載以丁艱去

士民如失怙恃志

余自怡徽州人崇禎中知湘陰縣著慎刑錄清貞必記用重刑

則加圈以志之時臨臨寇橫行長岳開自怡親率鄉勇堵禦寇

知有備乃解圍去統

楊枝起華亭人崇禎中知湘陰縣僅科有法內設六書完欠之

數內書司之外書不與置勾欺誦手授耆民自注荒熟荒者設

法蠲之尤長於聽斷民有兩母牛其將一犢爭辨不決枝起以

三木索繫首一毋牛獨哀號抵觸因以犢歸之上二年寇圍長

沙遣偵者曰官至枝起陽不知設宴禮之使縱觀庫藏賊知

空虛果不復入統

楊開大埔人崇禎中知湘陰縣賊至率家屬十七人投水死明

張勳

趙廷璧河南人崇禎中知湘陰縣常孔道兵馬絡繹民匿空

谷廷璧念兵爲民安民必先安民因交歡鎮將約束偏裨民

始樂業桂王時分巡下湖南道順治四年

大兵既克寶慶乘勝攻武岡桂王出走明將劉承允以武岡降

廷璧與兵部尚書傅作霖吏部尚書李若星御史孟兆泰等死

湖南通志卷一百二名臣十一

馮祖望武進進士崇禎五年知瀏陽縣時瀏境凋殘祖望至巡

行鄉里問民疾苦免荒絕淨徵勾稽連賦其贖大吏陳民疾苦

至數千言又請革酒運國頭及清查白餘隱米大吏咸嘉予之

性敏達善決疑獄在任六年民懷其惠縣志

朱三才嵩明人崇禎中知醴陵縣時臨藍賊犯境三才率鄉勇

禦之賊遁去治體七年勅書舍修橋梁率多善政統

吳元中臨川人初官瀏陽教諭士翁然崇禎十年授醴陵

知縣任未一載值臨藍賊寇境以城破被擄民有去思縣志

杜同益鄧人初任蒲圻縣承崇禎十六年署平江縣事先是土

寇許定凡引流賊寇縣同益抵任將請援武昌會岑川義勇
李世第散財募眾同益指畫軍策殲其渠魁釋脅從撫凋敝民
立祠以祀調知湘潭以時事多艱去官隱湖湘間潛圖自給
沈國浙江人崇禎中知寧鄉縣時徵餉頻仍國善事上官濟以
權變民不至困盜四起設險以備既考績以外艱去任
沈之燭長興人崇禎中知寧鄉縣性嚴正上官左右假威率折
之使不得逞立徵比法為龍頭蛇尾冊出納之數銖兩不消邑
多盜每起輒禽擢刑部主事
邱存忠雲南人崇禎中知寧鄉縣流賊破湖南存忠懷印避為
奸吏所怨執付賊賊為置酒付印仍令宰事存忠抗詞泣下賊

湖南通志卷一百二 名臣十一 主 又 又 又

怒縛去至道林被殺
趙璧鄉縣人崇禎中以通判署知寧鄉時里甲輸辦不均璧據
丁糧均派民甚感之疏食布衣卒不能歸葬士民無不流涕斂

金贈之
南繩武吳江人崇禎中以司理攝知寧鄉精明渾厚一介不苟

待賢士有禮舉鄉飲必擇有道長者有惡少謀作亂廉得其賈
擒而戮其魁餘悉杖遣之邑賴以安士民勒數事於石
施丙先侯官人崇禎中知益陽縣愛民重士尚書李騰芳為撰
去思碑

羅宇蓬溪人崇禎中知湘鄉縣各里甲圖多寡不均宇為按里

之大小均之眾皆帖服聽訟公憤明決雖被詞責退無後言祠
廟橋亭多所興建以誣被逮士民流涕還之建祠以祀
周庭瑚宜賓人崇禎中知湘鄉縣嫉豪猾侵隱剝民令民自封
投匭自見付倉置獎盜儀門外遠來者無欺保之苦以徵收南
糧不及額被劾帶罪徵補庭瑚白版從事民感其德不期年課
足復起視事十六年流賊陷城赴沅請救士團擅作威福縶起
殺人庭瑚奉檄諭解不勞而定
吳仕傑山陰人崇禎中知安化縣愛民如子歲旱禱雨過勸遂
致疾卒

湖南通志卷一百二 名臣十一 主 又 又 又

驚治以軍法皆畏服不敢犯署寧鄉縣事龍王潭寇起哲人其
巢撫定之後遷靖州死難贈大僕寺卿
周洪德興隆衛人崇禎中知茶陵州屬賊賊蹂躪後極意撫綏

將將縱兵滋擾洪德取之有法兵民交輯
張鵬翼西充人崇禎中知衡陽縣十六年張獻忠逼衡州巡撫

王聚奎李乾德及監司以下皆遁士民盡奔竄鵬翼獨守空城
賊至即陷鵬翼使降戰誓語罵賊縛而投諸江妻子赴水死
董其英長山人崇禎中知衡山縣嘗書一靜字於屏門每出必
冠帶立其下有頃而後視事摘奸發伏洞如觀火治衡四年人

未嘗見其笑

何仕家廣東人崇禎中知衡山縣當書王十朋時室銘於臥內以自觀省治衡未嘗重刑一人不忍取民一錢舊志

董我前富順人崇禎中知衡山縣歲祲爲民祈雨暴行烈日中月餘不解時雨降至及獻賊寇衡山城陷我前抗節死一統志

李日新饒平人崇禎初知耒陽縣修社建學悉剔諸弊及歸士民號泣送之舊志

李國楨江西人崇禎中知耒陽縣裁火耗陋規值流賊偏城募兵拒之月餘復來國楨親擊賊於甌市大敗之民爲建生祠城北志

任永欽嘉善人崇禎中知鄞縣邑賦計畝起科較他邑獨數倍北志

湖南通志卷一百二 名臣十一 七
民不能堪永欽嘗窮困圖說力請於上求蘇罷民以疾卒於官

丁永祚南昌人崇禎中知祁陽縣才識明練嘗云時務多艱豈能苟廉而無求於民但求緩其所不給而節其太甚則公不廢舊志

而民不困斯兼濟矣士民立祠祀之舊志

李廷梁合州人崇禎中知東安縣切於愛民凡貧不能婚嫁者必資助之以報最遷秩民皆焚香餞送祀於生祠舊志

陳道受崇禎末知東安縣賊陷東安圍門死難吳偉業殺寇紀畧

門第新偏關人崇禎末知永明縣闖賊破城被執求死不得乃奮臂抽其冠簪刺鼻而死山西通志

黃納新淦人崇禎中知江華縣粵寇肆掠訥出奇計敗之民得安堵舊志

張軌端華亭人崇禎中知邵陽縣湘鄉寇警晝夜乘城以勞勩死一統志

蔣拱宸丹徒人崇禎中知新化縣催科勾攝刻木爲符名木早用以代役糧冊手自衡校人不敢高下其手懸鉅於堂週里胥索耗則令鳴鉦以報立懲之舊志

謝翰臣石屏人崇禎中知新化縣值流寇亂所在劫掠翰臣團鄉勇調度有方亂民陳三傑焚劫白溪立捕平之副將張先璧駐兵數萬勢橫甚翰臣以禮戢之不爲害舊志

湖南通志卷一百二 名臣十一 七
韓仰泰靖海衛人崇禎中知武岡州始蒞任值岷王暴薨宗人洵洵仰泰靜鎮之及奉旨勦驗使節驛驢仰泰從容肆應民得無擾以誑誤去行李蕭然舊志

譚文祐建溪人崇禎中知武岡州時宗藩橫虐文祐以抗直叱民士寇哀有志等聚眾攻城文祐招義勇圖恢復與劉承應破其壘平之以功擢僉事一統志

陳懋官海寧人崇禎初知新寧縣治尚恬靜民間詞訟不假胥役勾攝聽其自行投審及解組去行李蕭然舊志

魯可藻和州人崇禎末知新寧縣值喪亂未平可藻處以靜鎮民恃無恐嘗陳鹽政七條上官嘉異擢戶部主事舊志

莫乾亨敗州人崇禎中知城步縣例有徵收除平力草之人

啟初尚倡亂塔溪叛服不常乾亨至禁軍健入局騷擾苗人

悅服民遂安培

安汝盤雲南人崇禎中知巴陵縣治尚嚴明歲旱步禱南壇甘

雨立沛

蔣元敬無錫人崇禎中知平江縣作敬事堂聯旌善申明亭立

宋王旦唐介二坊建置皆闡風教比代士民歌思之

林石忌南田人崇禎中知臨湘縣張獻忠趨岳州臨湘城陷被

執抗馬不屈斷其兩手殺之

戴文選進賢人崇禎中知華容縣邑困於積逋文選力陳疾苦

湖南通志卷一百二

品子豁免民賴慰息鄰邑援請皆遞減有差

王元居吳人崇禎中知華容縣下中懲奸惡之尤者數人闔邑

帖然有科田之役蒙憐憫其歲明母敢為奸者

黨應秋崇禎末知武陵縣流賊陷常德舉家殉難士民醵金以

殮祀之縣南松花

楊邦翰南海進士崇禎中知沅陵縣修學宮繕城郭嚴革火耗

制日報指掌二冊以稽庫役出納當道賢之下其法於旁郡尋

擢南京水部去邑人泐碑以紀德政

徐宏祖吉水人崇禎中知瀘溪縣歲旱宏祖禱雨立應士民勒

石紀其事

梁宏任永福人崇禎中知瀘溪縣邑舊無城輔臣楊嗣昌題請

修築宏任毅然始捐俸倡助兩載告成後四里苗叛賴其保

障

王祚久平越人崇禎中知澈浦縣時四方不靖兵儲缺供將帥

恣為剽劫有向將軍者領眾萬人駐其境將肆屠掠祚久以已

費八百金布八百匹及米芻牲酒遺帥犒軍何乃整眾去一城

獲全

楊本厚鶴慶人崇禎中知宜章縣臨藍礦賊作亂四省會勦之

師雲集宜章本厚供資糧飭守禦賊三犯宜章擊卻之

閩廷諡甘肅人崇禎中知興寧縣建南塔繕城垣撫恤猺獠士

湖南通志卷一百二

民立祠祀之

馬士達和州人崇禎中知興寧縣賊陷城士達治叛黨數十

人復之

母崇正四川人崇禎中知桂東縣十六年張獻忠陷衡郴遣賊

徇桂東眾皆棄走崇正曰吾為朝廷守士敢愛死乎賊至執之

不屈死焉

杜夢龍番禺人崇禎中知安鄉縣縣濱河水囓城圯捐貲築以

巨石民為建生祠於東門外

吳士義常州人崇禎中長沙縣丞獻賊陷城被執不屈死祀羣

忠閣

賴萬耀崇禎中湘陰縣丞攝醴陵縣事張獻忠陷長沙城破死

之明史張蕭思倫澤人瀏陽縣丞崇禎中攝知縣事古知民困力除苛政

邑人感之志王之道徽州人崇禎中武岡州判上寇袁有志倡亂州境殘破

之道與州紳文佑督鄉團恢復斬賊有功志將道亨崇禎末常德府教授流賊陷常德抗節不屈死之志

魏象學漢陽人崇禎中寧鄉訓導學有根柢每月課生徒捐俸

置僕評講精尤多所成志湖南通志卷一百二名宦十一賴大雅贛州人崇禎中益陽教諭為張獻忠所執脅之從不屈

正衣冠端坐罵賊賊怒殺之經旬面色如生志祝應舉通山人崇禎中安化教諭學識淹博留心教士一時人

文蔚起志彭允中分宜人崇禎中衡山教諭張獻忠陷衡山與知縣董我

前俱死明史張張標嘉善人崇禎中鄞縣教諭建文昌閣於明倫堂之有旁列

房舍俾諸生肄業有所性剛直繩弟子以禮法人多畏憚之志王紱貴州人崇禎中邵陽教諭張獻忠陷城不屈死之一志

李大覺進賢人崇禎中奉新教諭捐作修學梓文課士遷知穀

城流賊破縣冠帶白縕志方士玄仁和人崇禎末衡山典史

大兵取湖廣士安匿南嶽山中未幾與兵東下知縣趙允振心

疑之捕至庭詰加以三木不承遂見殺士民數千人救之不得

為之罷炊巷哭竟日志周志躍北直人崇禎中東安典史流寇犯境志躍率居民禦敵

沒於陣志吳繼嗣涿州人崇禎中道州吏目張獻忠陷道州設偽官據城

月餘繼嗣糾義旅恢復民漸安集志楊如雲紹興人崇禎中平江主簿張獻忠陷城欲授以偽職如

湖南通志卷一百二名宦十一雲不從罵不絕口賊怒投之石壁潭志吳楚章錢塘人龍陽縣丞魏迪熙汀州人龍陽縣尉崇禎癸未

冬獻賊至龍陽兩人謀守禦不克誓曰我二人惟一死耳城陷

賊酋之不屈掠其藏無所有縛至龍潭橋皆殺之志

湖南通志目錄

名宦志十二

國朝一

羅錦	李陵祖	張長庚	袁廓宇	趙鮮星
李棠馥	趙廷臣	韓庭昌	塗應泰	張兆淵
胡允	李榛	戴璣	陳士本	王燧
郭亮	劉昇祚	張宏猷	高天府	孔延禧
黃中通	周廷鳳	魏紹芳	董應魁	馮和
張惟資	傅鸞祥	李若星	諸保育	劉舜清
王任杞	鄭翼明	蕭來鸞	蘇宏謨	蕭嘉熙
湖南通志卷一百一十二	名宦十二	目錄	一	四
邵廷琦	汪可準	朱應昇	鄭蘊宏	連應鄭
林爾張	湯淵鼎	李亨	張士彪	李宏棣
韓魏	田元愷	馬其昌	朱明魁	孫國泰
賈珩	韓有倬	徐維琿	楊元勳	丁鴻漸
張法扎	李璘	于之樞	劉見龍	史宗堯
鄭有成	蔣應泰	南起鳳	汪觀	石之政
于穎然	朱英幟	閔變	楊嘉肇	熊應昌
史應選	譚啟運	余天溥	屈成品	張芳
徐儒臣	李朝事	包文慎	童欽承	潘文彩
張學仁	高攀龍	王希聖	文題亭	楊演

顏堯揆

程九鵬

張際龍

于肯記

何衡洲

王蔚

徐治

丁啟震

王簡慶

徐起泰

鄭朝鼎

楊來鳳

李之秀

周晉英

江維新

卓飛

周文煜

黃暉

茹道通

冷開泰

綽維統

江震元

張希召

吳治顯

辛良器

邵元璽

李選春

張超載

吳從謙

穆貞元

師士式

王路

陳之奇

嚴班

劉輝

何讓

王錫

周從文

周澤長

董衛國

丁思孔

吳璵

李輝祖

郭琦

喻成龍

郭世隆

郭海

賴倫特

周召南

鍾永朝

趙中壽

潘宗洛

陳瑄

李發甲

王之樞

蔣永修

姚清濤

邵永清

張仲舉

施世綸

范時秀

張安世

趙廷標

王奕鴻

朱士傑

范廷恩

張仕可

王朝恩

孫養翼

武國楹

田慶曾

王舜年

孫調鼎

湖南通志卷一百一十三

名宦十三

目錄

二

三

湖南通志卷一百三

名宦志十二

國朝一

羅錦鄒遼陽人後隸漢軍鑲藍旗順治二年擢湖廣四川總督時明桂王總督何騰蛟尙踞湖南而流賊餘黨李錦等降於騰蛟復擾湖北錦鄒飭兵防剿屢奏捷四年恭順王孔有德征湖南取長沙衡州寶慶辰州錦鄒奏增設鎮協移兵駐守五年金聲桓叛常德武岡辰沅復爲郝永忠等所陷錦鄒奏分遣總兵徐勇馬蛟麟等防要地屢敗賊眾既而鄭親王濟爾哈朗等平湖南諸郡縣以次恢復錦鄒疏言湖南叛服不常大兵凱旋後

湖南通志卷一百三 名宦十二 一 川 月 主 主

恐餘孽跳梁煽誘降將如故凡勢窮乞降之眾宜安插腹地以靖疆圉

上嘉納其言九年七月卒贈兵部尙書

事蹟

李蔭祖漢軍正黃旗人順治十三年總督湖廣時大兵進剿貴州而明桂藩所撫流賊郝永忠等擁眾十餘萬踞鄧襄間擾糧運蔭祖疏請撥武昌洞庭營兵屯備十六年經略洪承疇奏調湖北提鎮標兵六千守雲南蔭祖以湖廣兵已調萬三千有奇湖南歲祲新降眾不下數萬餬口維艱倚江西兩粵土賊乘隙蠢動何以制之請

敕承疇就近招募俱下部議行十七年以疾乞罷康熙三年卒

祀湖廣名宦祠

事蹟

張長庚漢軍鑲黃旗人順治十三年巡撫湖廣十六年春久雨荆岳等州災民流入武昌長庚捐錢米賑濟議敘加太子少保十七年擢湖廣總督康熙元年請裁上江防道湖廣舊設巡撫二至是給事中姚啟盛請照江南陝西例兩巡撫分治湖南湖北長庚議長庚請以武漢黃等入府屬湖北巡撫長沙衡州承州寶慶辰州常德岳州七府郴靖二州屬偏沅巡撫部議行二年同靖西將軍穆里瑪定西將軍圖海裔斬桂王舊將郝搖旗劉汝魁並招降其國公王光興等楚寇悉平

袁廓宇富平人順治十一年巡撫偏沅先是湖南郡縣屢陷寶慶被兵尤甚至是始定民逃亡殆盡廓宇至寶慶多方招集撫卹有加時營兵最橫凡民間負營債未即償者率縛而拷掠之有死者廓宇嚴加懲治而營債之弊息民尤德之

湖南通志卷一百三 名宦十二 一 川 月 主 主

趙祥星漢軍正白旗人順治十五年巡按湖南疏言衡陽等州縣衛自十一年至十五年遷支挪移款項造冊咨部覆核應卽嚴追其見存倉穀銀米責令報解又言寶慶府屬之武岡州靖州屬之綏甯道二縣皆山多嶺險地近苗搖請於中右兩路或寶慶協及沅州鎮撥兵分防均下所司議行差滿考核計清釐挪移等項銀四萬八千餘兩墾荒田三千九十餘頃回道後復疏言湖南北學道二員應裁併歸一部議亦如所請

李棠槐高平人順治中提學湖南凡所拔士皆中雋棘聞人服其識後官湖廣參議亦多惠政志

趙廷臣鐵嶺衛人順治十年任下湖南道僉事以清幹稱時軍需旁午廷臣倉卒立辦夜常秉燭治文書剖決無留滯屢平反冤獄加意恤民行路爲之感泣尤嚴絕苞苴歲時餽獻不敢至其門終浙江總督諡清獻志

韓庭臣諸城人順治中任下湖南道副使駐寶慶先是鎮兵雲集甲疲困庭臣立墟市以來商賈里甲以蘇有營卒私掠於鄉者偵得實諸法一郡肅然志

塗應泰鐵嶺衛人順治中任下湖南道副使駐寶慶禁私派革志

湖南通志卷一百三 名宦十二

馬館民皆稱便先是寶慶民膏訟多沈滯不決應泰至檄屬吏亟行清理而諄諭鄉民息訟訟爲少止後擢陝西按察使民爲立去思碑志

張兆熊漢中人順治中任上湖南道副使綏輯流逋奏免荒田賦民以安集九年再羅兵燹兆熊撫卹備至捐貲賑饑病者濟以醫藥全活甚眾志

胡允甸容人順治中任上湖南道副使除奸剔蠹羣小斂跡幸於官至無以殮志

李懷華亭人順治中任上江防兵備僉事駐岳州時大兵自滇黔凱還過境懷供億宿辦市肆不驚歲旱步禱遂致疾卒之

日猶以首叩枕語不及家事翌日大雨歲獲有秋民以爲之賜哀悼之志

戴機長泰人順治中任上江防兵備僉事值歲饑民多羸瘠設法賑濟予以醫藥飭守令峻城垣增渡後居數年政恬民熙百廢具舉志

陳士本武進人順治中任分巡湖北道蔡隄丈田皆躬行阡陌弗辭勞瘁卒於官至不能歸輓志

王燧廣安人順治中任岳常道副使駐澧州西山賊肆虐守城捍禦城賴以完給民牛種墾荒田政暇集諸生講學以振興風教志

湖南通志卷一百三 名宦十二

郭亮江南人順治中任上荆南道副使儉素著聞士有以詩文投謁者手爲評閱稱道不輟解組日行李蕭然志

劉昇祚陝西人順治中任湖北道參議駐長州黔寇犯城與總兵徐勇悉方拒守城陷一門百口死之志

張宏猷長泰人順治中知長沙府有肆應才富軍興時公務旁午一切簿書皆手自裁定爲政嚴明不苛民皆稱之志

高天爵奉天人順治中知長沙府時討李定國綜理軍務籌餉餉事集而兵民帖然以父疾解組去老幼號泣遮西不得志

孔延禧奉天人順治中知長沙府當亂離後招集流亡躬親訟臚郡無冤獄志